



Inatsisartuni ilaasortaq
Anders Olsen, Siumut

§ 37 naapertorlugu apeqqueteqaammut 182-mut Sisimiuni taseq imeqarfik pillugu akissuteqaat

Asasara Anders Olsen

Inatsisartut suleriaasianni § 37 naapertorlugu tatsip imeqarfiup illoqarfimmut qanittumik inissisimanerata kingunerisaanik Sisimiut ineriartornerata unammillernarnera pillugu Naalakkersuisunut apeqqueteqarputit.

1. Sisimiuni imeqarfik saneqqullugu Kangerlussuarmut aqqusinniortoqassappat sutigununa mingutsitsisoqarsinnaanera aarleqqutigineqartoq? Biilit pujuat imaluunniit biilit tatsimut nakkarsinnaanerat?

Imeqarfiup killeqarfiata iluani aqquserniornermi aqqusinermiit atortut, uuliamik tunisassiat, putsup gassii, eqqakkat il.il. imermik imigassamik mingutsitsisinnaanerat annertusitinneqartussaavoq.

Innuttaasut peqqissusaat aammalu aalisakkerivimmut inuussutissaleriffiusunullu allanut imermik pilersuineq eqqarsaatigalugit erngup imigassap minguitsuunissaata qulakkeerneqarnissaa pingaaruteqarpoq. *Avatangiisit innarlitsaaliorneqarnissaa Inatsisartut inatsisaat nr. 9, 22. november 2011-meersoq* naapertorlugu Sisimiuni tatsip imeqarfiup killeqarfia imeq imigassaq illersorniarlugu aalajangigaavoq.

Imeqarfiup killeqarfiata iluani imermik imigassamik minguitsumik pisariaqartitsinermit aammalu suliffissuit minguitsumik imeqarnissaanut naapertuutsinniapi loornartunik suliaqarnissaq akuttunngitsumik kissaatigineqartarpoq. Imileriviit amerlanersaat ullumikkut imermik tunisassiassamik, soorlu benziinamik uuliamilluunniit, imaluunniit inuit suliaqarnerisa annertunerulernerata kingunerisaanik mingutsitsisunik allanik mingutsinneqarsimasumik saliisinnaanngillat. Taamaattumik imeqarfiup killeqarfiisa annertunerusumik mingutsitsivigineqannginnissaannik qulakkeerinissaq immikkut pingaaruteqarpoq.

2. Imaluunniit sutigununa mingutsitsinissaq taamak ernumanartigimmat Naalakkersuisut akuersinissaminut nangaassuteqartut?

Apeqquut 1-imut akissummi oqaatigineqareersutut imeqarfiup iluani aqqusinermik sananeq atuinerlu erngup imigassap mingutsinneqarsinnaanera

Brevdato: 16-05-2019
Sagsnr.: 2019 - 11914
Akt-id: 10749414

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

annertusissaaq. Uani aqquserniornerup kingunerisaanik mingutsitsinissamut ulorianartorsititsinnaasut ilaat allaaserineqarput:

- *Aqqusinermiit atortut.* Aqqusernup sananeqarnerani tamatumalu kingorna atorneqarnerani aqqusinermiit aqqusernullu avataaniit atortut tasermut imeqarfimmut kuugunneqartartussaapput. Atortut kemiinik, soorlu asfalteerinermit pisunik akoqarsinnaapput, kisiannili aamma tassaasinnaallutik marraat, siltit atortullu pinngortitameersut. Atortut tatsip imia isorajuttunngortittarpaat imileriviullu filteriinut unerartarlutik, taamaalillunilu erngup imigassap bakteriaajarneqarnera ajornerulertarluni.
- *Uulianik tunisassiat.* Qamutit assakaasullit kuisaat userartugaallu, kiisalu asfaltimiit seerinerit aqqusernup qaavaniit imeq tatsimut kuuttarpat, imermut imigassamut tasermut kuunnissaat ilimanaateqartorujussuuvoq.
- *Putsup gassii.* Qamutit motorillit pujuisa akui kemiimut tunngassuteqartut ilaatigut silaannarmi pujoralaat sialuullu kuunna aqqutigalugit imermut imigassamut akuliussinnaapput.
- *Eqqakkat.* Imeqarfiup killeqarfiata iluani angalanerup annertusinerani imeqarfiup killeqarfiata iluani eqqakkat amerlisinnaapput. Eqqakkat arrorsinnaasut, soorlu annat tappiorannartunik mingutsitsinnaapput, kiisalu eqqakkat arrorsinnaanngitsut, soorlu plastikkik kemiimut akui mingutsitsinnaallutik.

Imermik imigassamik minguitsumik, piumasaqaatinut aalajangersarneqartunut naammassinniffiusinnaasumik, innuttaasut peqqissusaannut inuussutissaleriviillu tunisassiornerani atugassaqartitsinermit iluaqutaasumik pissaqartuarnissarput pingaarnertut eqqarsaatigineqarpoq.

Qeqqata Kommunianit Sisimiut aamma Kangerluarsuup Tulliup akornanni imeqarfiup killeqarfia aqqusaarlugu aqquserniornermi avatangiisinut sunniutissanik naliliititsileruttorpoq. Naalakkersuisut suliami tassani kingaalaartitsinngillat, kisiannili soorunami ASN-imut nassuiaatip naammassineqarnissaa utaqqisariaqassavarput. ASN-imut nassuiaasiornermi siunertarpiaavoq, sanaartukkap avatangiisinut sunniutigisinnaasai pillugit Naalakkersuisut paasissutissanik pisariaqartunik pissarsinissaat, Naalakkersuisut taamaalillutik tamakkiisumik paasissutissiiviusunik tunngaveqarlutik sanaartukkamik, ASN-imut nassuiaammut ilaatinneqartumik sananissamut, alliliinissamut allannguinnissamulluunniit akuersissuteqartoqassanersoq aalajangiisinnaaniassammata. Tassalu ASN-imut nassuiaat akuersissuteqartoqassappat piumasaqaatinik, sanaartukkap avatangiisinut sunniutiginerlutassaanik annikillisaataasinnaasunik aalajangersaanissamut paasissutissanik pisariaqartunik Naalakkersuisut pissarsinissaannut tunngaviliisussaavoq.

3. Imeqarfiup ineriartortitsiniarnermut aporfiunerata arlaatigut aaqqiissuteqarfigneqarnissaa ilumut Naalakkersuisunit pimoorunneqarpa? Taamaassimappat periarfissanik sunik misissuisoqarpa?

Sisimiut aamma Kangerluarsuup Tulliup akornanni aqquserniornissamut


avatangiisinut sunniutissanik naliliinerimi (ASN) ingerlasumi ilaatigut suliassap imermik isumalluutitut sunniutissai nassuiarneqassapput, aaqqiissutissatullu siunnersuutit assigiinngitsut nassuiarneqassallutik, taakkunungalu aqquserniorfiusinnaasut allat ilaatinneqarput. Maannarpiaq Pinnortitamut Avatangiisinullu Naalackersuisoqarfiup sanatitsisumiit ASN-imut nassuiaat utaqqivaa. ASN-imut nassuiaammi suliassap imermik isumalluuteqarfinnut sunniutissai, kiisalu sanatitsisup pinaveersaartitsissutaasussanut, imeqarfiup killeqarfiata iluani aqqusinermik sananermi ingerlatsinermilu erngup imigassap pitsaassusianut ulorianartorsiortitsisoqannginnissaanik qulakkeerissutaasussanik siunnersuutai sukumiisumik nassuiarneqassapput.

4. Illoqarfinni allani aamma Sisimiunisuulli imeqarfiit killeqarfiinik ajornartorsiuteqartoqarpa?

Aap, illoqarfinni allani suliat amerinerini imeq imigassaq illersorniarlugu imeqarfinnut killeqarfinnik eqqarsaateqartoqartariaqarnera assingusumik unammillernartoqartinneqarpoq.

Illoqarfinni imermik pilersuiviit maanna atorneqartut 1950-ikkunni annertusarneqarmata, tatsit kuuillu qaanni imeq annertunerusumik sunilluunniit mingutsinneqaratik pitsaanerpaatut isigineqartarput. Taamaattumik erngup qaani imeq ima minguitsigisutut isigineqartarpoq, erngup suliarinissaa, pH-p iluarsinissaa bakteriaajarlugulu klorimik akuneqarnissaa annikitsuinnarmik pisariaqartarluni. Tatsit imeqarfiit amerlanersaat taamanikkut illoqarfiit avataanniillutik illersugaalluortarput, aammalu tatsinik imeqarfinnik mingutsitsisinnaasunik qamuteralaqanngilaq qamutinillu assakaasulinnik nunakkoortunik soqanngilaq ikittuinnaallutilluunniit. Ullumikkut illoqarfinnik alliliinerit, suliat amerlineri kiisalu qamuteralaat qamutillu assakaasullit nunakkoortit amerliartorneri imermik isumalluuteqarfiit mingutsinneqarsinnaanerini annertusititsisimapput.

Inussiarnersumik inuulluaqqusillunga



Kim Kielsen

30. april 2019

Inatsisartut suleriaasianni § 37 immikkoortoq 1 naapertorlugu Naalakkersuisunit apeqqutit imaattut matumuuna saqqummiuppakka:

- 1) **Sisimiuni imeqarfik saneqqullugu Kangerlussuarmut aqqusinniortoqassappat sutigununa mingutsitsisoqarsinnaanera aarleqqutigineqartoq? Biilit pujuat imaluunniit biilit tatsimut nakkarsinnaanerat?**
- 2) **Imaluunniit sutigununa mingutsitsinissaq taamak ernumanartigimmat Naalakkersuisut akuersinissaminut nangaassuteqartut?**
- 3) **Imeqarfiup ineriartortitsiniarnermut aporfiunerata arlaatigut aaqqiissuteqarfigine-garnissaa ilumut Naalakkersuisunit pimoorunneqarpa?**

Taamaassimappat periarfissanik sunik misissuisoqarpa?

- 4) **Illoqarfinni allani aamma Sisimiunisuulli imeqarfiit killeqarfiinik ajornartorsiuteqar-toqarpa?**

(Inatsisartuni ilaasortaq Anders Olsen, Siumut)

Tungavilersuut:

Naluneqanngitsutut ukiuni arlalinngortuni Sisimiuni imeqarfik illoqarfiup ineriartortinniarneqar-neranut aporfusoq tamanit ilisimaneqarpoq.

Aporfiusullu qanoq qaangerniarneqarsinnaaneranut siusinnerusukku § 37-ikkut apeqqutigine-qartumi (sagsnr. 2019-560), Naalakkersuisuniit siunnersuummik aaqqiissutissamilluunniit akissu-teqartoqanngilaq, taamaallaalli annerusumik qamuterallannik ingerlasoqarsinnaaneranik immikkut akuersissuteqarsimanertik oqaatigalugu.

Qeqqata kommuuniata innuttaasullu ineriartornermut peqataarusullutik, aqqusinersuup aallartin-nissanut Naalakkersuisuniit akuerineqarnissartik utaqqikatalluinnalerpaat. Taamaattumik paase-rusunnarsivoq ajornartorsiutip aaqqiivigineqarnissanut ilumut Naalakkersuisut aaqqiissutissamik

ujarleqataanersut. Tassami malunnarmat nikeriartoqarneq ajortoq aaqqiissutaasinnaasumilluunniit saqqummertoqassanani.

Apeqqutima ulluit suliffiusut qulit iluanni akineqareersimanissaat kissaatigaara.